

ქ. თბილისის მუნიციპალიტეტის საკრებულოს ჯანმრთელობის დაცვისა და სოციალურ საკითხთა კომისიის თავმჯდომარის ირაკლი ფავლენიშვილის 2016 წლის ნოემბრიდან 2017 წლის ოქტომბრამდე ანგარიში.

ჯანმრთელობის დაცვა და სოციალური უზრუნველყოფის 2017 წლის ბიუჯეტი შეადგენს: 186 783 400 ლარს, მათ შორის ჯანმრთელობის დაცვა: 42 062 500 ლარი, (რომელიც 2013 წლის მაჩვენებელთან გაიზარდა 16 მილიონი ლარით) სოციალური დაცვა: 144 720 900 ლარი.

2017 წლის ბიუჯეტით ჯანმრთელობის დაცვისა და სოციალურ საკითხთა კომისიამ დაამტკიცა ჯანმრთელობის დაცვის 8 და სოციალური დაცვის 24 ქვეპროგრამა.

ჯანმრთელობის დაცვისა და სოციალურ საკითხთა კომისიამ 2016 წლის ნოემბრიდან დღემდე ჩაატარა 16 კომისიის სხდომა, მათ შორის მნიშვნელოვანი იყო:

- კომისიის სხდომის ოქმი №22 თარიღი: 26.12.2016 საათი: 13:00

სხდომის დღის წესრიგი:

1. ქალაქ თბილისის მუნიციპალიტეტის ბიუჯეტით გათვალისწინებული ჯანმრთელობის დაცვის ქვეპროგრამების წესების დამტკიცების შესახებ (04/20620 22 დეკემბერი 2016 წელი);
2. ქალაქ თბილისის მუნიციპალიტეტის ბიუჯეტით გათვალისწინებული „სამედიცინო და სხვა სოციალური საჭიროებების დახმარების ღონისძიებების“ ქვეპროგრამის განხორციელების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2016 წლის 2 აგვისტოს #19-55 დადგენილებაში ცვლილების შეტანის შესახებ. (04/20618 22 დეკემბერი 2016 წელი).

- კომისიის სხდომის ოქმი №1 თარიღი: 20.01.2017წ. საათი: 13:00

სხდომის დღის წესრიგი:

1. ქალაქ თბილისის მუნიციპალიტეტის ბიუჯეტით გათვალისწინებული „სამედიცინო და სხვა სოციალური საჭიროებების დახმარების ღონისძიებების“ ქვეპროგრამის განხორციელების წესის დამტკიცების შესახებ“ ქალაქ თბილისის მუნიციპალიტეტის საკრებულოს 2016 წლის 2 აგვისტოს #19-55 დადგენილებაში ცვლილების შეტანის შესახებ. (04/776 18.01.2017წ.).

2. ქალაქ თბილისის მუნიციპალიტეტის ბიუჯეტით გათვალისწინებული ჯანმრთელობის დაცვის ქვეპროგრამების წესების დამტკიცების შესახებ (04/778 18.01.2017წ.)

დაავადებათა სკრინინგის ქვეპროგრამის განხორციელების წესი (კოდი: 06 01 02)
C ჰეპატიტის დიაგნოსტიკის ქვეპროგრამის განხორციელების წესი (კოდი: 06 01 12)

- კომისიის სახდომის ოქმი #2 თარიღი: 17.02.2017წ. საათი: 14:00

სხდომის დღის წესრიგი:

„ქალაქ თბილისის მუნიციპალიტეტის ბიუჯეტით გათვალისწინებული ჯანმრთელობის დაცვის ქვეპროგრამების განხორციელების წესების დამტკიცების შესახებ“ ქალაქ თბილისის მუნიციპალიტეტის საკრებულოს 2016 წლის 27 დეკემბრის #33-92 დადგენილებაში ცვლილების შეტანის შესახებ“ (04/2021 14.თებერვალი 2017წ.)

„ძუძუს კიბოს სამკურნალო მედიკამენტების დაფინანსების ქვეპროგრამის განხორციელების წესის“

- კომისიის სახდომის ოქმი #3 თარიღი: 02.02. 2017 წ. საათი: 15:00

სხდომის დღის წესრიგი:

1. „ქალაქ თბილისის მუნიციპალიტეტის ტერიტორიაზე უსახლკაროდ რეგისტრაციისა და თავშესაფარი ფართით უზრუნველყოფის წესის დამტკიცების შესახებ“ ქალაქ თბილისის მუნიციპალიტეტის საკრებულოს 2015 წლის 27 ნოემბრის №28-116 დადგენილებაში ცვლილების შეტანის შესახებ (04/2516, 24 თებერვალი 2017წ.)

- კომისიის სახდომის ოქმი #6 თარიღი: 08.06.2017წ. საათი: 16:00

სხდომის დღის წესრიგი:

1. „ქალაქ თბილისის მუნიციპალიტეტის ბიუჯეტით გათვალისწინებული ჯანმრთელობის დაცვის ქვეპროგრამის განხორციელების წესების დამტკიცების შესახებ“ ქალაქ თბილისის მუნიციპალიტეტის საკრებულოს 2016 წლის 27 დეკემბრის #33-92 დადგენილებაში ცვლილების შეტანის შესახებ (04/6392 01 ივნისი 2017 წელი)

„აუტიზმის სპექტრის დარღვევის მქონე ბავშვთა რეაბილიტაციის ქვეპროგრამის განხორციელების წესი“

- კომისიის სახდომის ოქმი #7 თარიღი: 13.07.2017წ. საათი: 12:00
სხდომის დღის წესრიგი:

1. ქ. თბილისის მუნიციპალიტეტის მერიის ჯანდაცვისა და სოციალური მომსახურების საქალაქო სამსახურის აწყარიშის მოსმენა, უსახლკაროდ რეგისტრაციისა და თავშესაფარი ფართით უზრუნველყოფის მიმართულებით განხორციელებული საქმიანობის შესახებ.
წარმოდგენილი ინფორმაცია მიღებული იქნა ცნობად.

- კომისიის სხდომის ოქმი №9 თარიღი: 25.07.2017წ. საათი: 12:00
სხდომის დღის წესრიგი:

1. პროექტი „ქალაქ თბილისის მუნიციპალიტეტის 2017 წლის ბიუჯეტის დამტკიცების შესახებ ქალაქ თბილისის მუნიციპალიტეტის საკრებულოს 2016 წლის 16 დეკემბრის №30-87 დადგენილებაში ცვლილების შეტანის შესახებ“ (04/8353, 21 ივლისი 2017 წელი).

წარმოდგენილი პროექტით გაიზარდა შემდეგი ქვეპროგრამების დაფინანსება:

- აუტიზმის სპექტრის დარღვევის მქონე ბავშვთა რეაბილიტაციის ქვეპროგრამის (პროგრამული კოდი 06 01 06) დაფინანსება გაიზარდა 300 000 ლარით, რაც გამოწვეულია ქვეპროგრამაში ჩართულ ბენეფიციართა რაოდენობის ზრდით.
- ბუბუს კიბოს სამკურნალო მედიკამენტების დაფინანსების ქვეპროგრამას (პროგრამული კოდი 06 01 07) დაემატა 500 000 ლარი, რაც ასევე გამოწვეულია ქვეპროგრამაში ჩართულ ბენეფიციართა რაოდენობის ზრდით.
- C ჰეპატიტის დიაგნოსტიკის ქვეპროგრამის (პროგრამული კოდი 06 01 12) დაფინანსება გაიზარდა 1 000 000 ლარით, რაც განპირობებულია იმ პაციენტთა დიაგნოსტიკის ხარჯების ანაზღაურებით, რომელიც დაიწყო 2016 წელს და დასრულდა 2017 წელს.
- ტრანსპლანტაციის ქვეპროგრამის (პროგრამული კოდი 06 01 13) დაფინანსება გაიზარდა 400 000 ლარით.
- სამედიცინო და სხვა სოციალური საჭიროებების დახმარების ღონისძიებების ქვეპროგრამას (პროგრამული კოდი 06 02 09) დაემატა 4 000 000 ლარი.
- ქვეპროგრამას, დაწყრეული სახლების მაცხოვრებელთა საკომპენსაციო თანხები კრწანისის რაიონში (პროგრამული კოდი 06 02 16 15) დაემატა 40 000 ლარი.
- მოქალაქეთა მოთხოვნების რაოდენობიდან გამომდინარე გაიზარდა ქვეპროგრამის, სხვა სოციალური (დახმარების) ღონისძიებები რაიონებში (პროგრამული კოდის 06 02 18), დაფინანსება 550 000 ლარით.

1. გაუმჯობესდა სასწრაფო სამედიცინო დახმარებაის ქვეპროგრამა (კოდი: 06 01 01) - ბიუჯეტი შეადგინს: 29 490 000 ლარს. (2013 წლის მაჩვენებელი 25 000 000 ლარი)

პროგრამის მიზანია სასწრაფო სამედიცინო დახმარების ცენტრის ეფექტური ფუნქციონირება 24 სათი, კვირაში 7 დღის რეჟიმში პაციენტებისთვის დროული, ადეკვატური და მაღალკულიფიციური სასწრაფო სამედიცინო მომსახურების მიწოდება.

2014-2017 წლებში განხორციელდა დამატებით 1 (ერთი) ფილიალის (თბილისის ზღვა) და 2 (ორი) ქვეფილიალის გახსნა (ფონიჭალა, დაბა კოჯორი), შეძენილ იქნა 13 ერთეული სპეციალური ავტოსატრანსპორტო საშუალება, რომელიც დაკომიპლექტებული და აღჭურვილია საქართველოს კანონმდებლობისა და საერთაშორისო სტანდარტების გათვალისწინებით, ასევე სხვადასხვა ტრენინგ პროგრამებით გადამზადდა ცენტრის 358 თანამშრომელი. გაიზარდა ცენტრის უფროსი მედდების (750 ლარი-850 ლარი) და მედდების (625 ლარი-750 ლარი) შრომის ანაზღაურება. ქ. თბილისის მუნიციპალიტეტის მასშტაბით არის 14 ფილიალი და 3 ქვეფილიალი (წყნეთი, ფონიჭალა კოჯორი).

სსიპ- 112- თან კოორდინაციით, სადისპეჩეროსა და სამედიცინო ბრიგადებს შორის კავშირის გაუმჯობებისა და ეფექტურობის გაზრდის მიზნით შემუშავდა პროგრამული უზრუნველყოფა, და მოძიებულ იქნა შესაბამისი ტექნიკური აღჭურვილობა, რომელიც დაინერგა 2016 წლის პირველ წარევარში.

ქვეპროგრამა მოიცავს მოსახლეობისათვის კრიტიკულ მდგომარეობაში სასწრაფო სამედიცინო და გადაუდებელი დახმარების ხელმისაწვდომი, დროული და ეფექტური მომსახურების უზრუნველყოფა და კონკრეტულ შემთხვევებში სტაციონარში გადაყვანა.

წლის განმავლობაში სასწრაფო სამედიცინო დახმარების ბრიგადები ახორციელებენ საშუალოდ 700 000 გამოძახებას.

ჯანმრთელობის დაცვის ქვეპროგრამები რომლებიც განხორციელდა 2014-2017წწ.

2. „ტრანსპლანტაციის ქვეპროგრამა“ (კოდი: 06 01 13) - ბიუჯეტი შეადგინს: 3 500 000 ლარს.

ქვეპროგრამა გულისხმობს ონკოპერატოლოგიური დიაგნოზის მქონე პირებისათვის მაღალდოზირებული ქიმიოთერაპიის, ტრანსპლანტაციის წინა კვლევების, ძვლის ტვინის ტრანსპლანტაციისა და ტრანსპლანტაციის შემდგომ სტაციონარული მეთვალყურეობის დაფინანსებას რომელთაც დასმული აქვთ შემდეგი დიაგნოზი (ები):

- ა) მწვავე ლეიკემია;
- ბ) მწვავე ლიმფოიდური ლეიკემია;
- გ) მწვავე მიელოიდური ლეიკემია;
- დ) ქრონიკული მიელოიდური ლეიკემია;

- ე) იუვენური მიელომონოციტარული ლეიკემია;
- ვ) არა-ჰიპოკაინის ლიმფომა;
- ზ) ჰიპოკაინის ლიმფომა;
- თ) მიელოდისპლაზიური სინდრომი;
- ი) აპლასტიური ანემია;
- კ) ჰიდროციტოციტოზი;
- ლ) თალასემია.
- მ) მრავლობითი მიელომია (მიელომური ავადმყოფობა).

ქვეპროგრამა ამოქმედდა 2015 წლიდან.

2015-2017 წლებში პროგრამით ისარგებლა 97 ბენეფიციარმა.

3. „C“ ჰეპატიტის დიაგნოსტიკა (კოდი: 06 01 12) - ბიუჯეტი შეადგენს: 2 000 000 ლარს.

ქვეპროგრამის განხორციელება დაიწყო 2015 წელს ბენეფიციარებისთვის, რომლებიც რეგისტრირებულნი არიან „სოციალურად დაუცველი ოჯახების მონაცემთა ერთიან ბაზაში“ და რომელთა სარეიტინგო ქულა არ აღემატება 70 000.

2014-2017 წლებში ქვეპროგრამით ისარგებლა 50 000 ბენეფიციარმა.

4. აუტიზმის სპექტრის დარღვევის მქონე ბავშვთა რეაბილიტაცია (კოდი: 06 01 06) - ბიუჯეტი შეადგენს: 2 300 000 ლარს.

ქვეპროგრამა ხორციელდება 2015 წლიდან და გულისხმობს აუტიზმის სპექტრის დარღვევის მქონე ბავშვთა მოტორული, შემეცნებითი, სოციალური განვითარების, თვითმოვლის და დამოუკიდებლად ფუნქციონირების უნარების ჩამოყალიბების ხელშეწყობას, რისთვისაც ხორციელდება მულტიდისციპლინური გუნდის, ერთიანი საჭიროების შემთხვევაში, რამდენიმე სპეციალისტის (ფსიქოლოგი, ფსიქიატრი, ნევროლოგი, ქცევითი თერაპევტი, ოკუპაციური თერაპევტი, ლოგოპედი, სპეციალური პედაგოგი და სხვა) მიერ მოსარგებლისათვის, ინდივიდუალური განვითარების წლიური გეგმის შესაბამისად (მ.შ.გამოყენებითი ქცევითი ანალიზის თერაპია, საჭიროებისამებრ მეტყველების თერაპია, ოკუპაციური თერაპია და სხვა), კომპლექსური თერაპიის დაფინანსება. პროგრამის ფარგლებში ფინანსდება მულტიდისციპლინური გუნდის, ერთიანი საჭიროების შემთხვევაში, რამდენიმე სპეციალისტის (ფსიქოლოგი, ფსიქიატრი, ნევროლოგი, ქცევითი თერაპევტი, ოკუპაციური თერაპევტი, ლოგოპედი, სპეციალური

პედაგოგი და სხვა) მიერ მოსარგებლისათვის კომპლექსური თერაპიის თვეში არაუმეტეს 20 (მინიმუმ ერთსაათიანი) სეანსი. ქვეპროგრამის მიზანია აუტისტური სპექტრის აშლილობების (ასა) მქონე ბავშვთა განვითარების სტიმულირება, ადაპტაციური ფუნქციონირების გაუმჯობესება და სოციალური ინტეგრაციის ხელშეწყობა სპეციფიკური აბილიტაციისა და ბავშვისა და ოჯახის მხარდაჭერის გზით.

ქვეპროგრამის მოსარგებლები არიან დაავადებათა საერთაშორისო კლასიფიკატორის (ICD-10) განვითარების ზოგადი აშლილობების (F84.0; F84.9) ჯგუფის დიაგნოზის მქონე 2-დან 15 წლის ასაკის ჩათვლით საქართველოს მოქალაქეები.

2017 წელს ქვეპროგრამით ისარგებლა 700 ბენეფიციარმა.

5. ადრეული ძუძუს კიბოს მკურნალობის დაფინანსება (კოდი: 06 01 07) - ბიუჯეტი შეადგენს: 2 800 000 ლარს.

ქვეპროგრამა ხორციელდება 2016 წლიდან და გულისხმობს სპეციალისტთა ჯგუფის მიერ აღიარებული დანიშნულების (დამიზნებითი თერაპიის) შესაბამისად ძუძუს კიბოს სამკურნალო მედიკამენტების დაფინანსებას. ამასთან, მედიკამენტები (ტრასტუზუმაბის, პერტუზუმაბი) Her2 დადებითი ადგილობრივად გავრცელებული (I-III სტადია) ან Her2 დადებითი მეტასტაზური ძუძუს კიბოს დიაგნოზის მქონე პირებს უფინანსდებათ.

ქვეპროგრამის მიზანია, ძუძუს კიბოს მკურნალობის ფინანსური ხელმისაწვდომობის გაზრდისა და ზემოაღნიშნული მედიკამენტებით სრულფასოვანი მკურნალობის ჩატარების უზრუნველყოფის გზით, ძუძუს კიბოს დიაგნოზის მქონე პირთა სიცოცხლის გახანგრძლივება/განკურნება.

- „ა) HER-2 დადებითი ადგილობრივად გავრცელებული (I-III სტადია) ძუძუს კიბოს დიაგნოზის ან რადიკალური ოპერაციის შემდგომ განვითარებული რეციდივისშემთხვევაში - ტრასტუზუმაბი;
- ბ) კონსილიუმის დასკვნის (რომელიც მოიცავს შესაბამისი პროფილის სხვადასხვა კლინიკის არანაკლებ, 3 ლიცენზირებული ექიმის დასკვნას) საფუძველზე, პაციენტის საჭიროებიდან დამომდიდრებული, დამიშვიდულების შესაბამის დასკვნას, მედიკამენტოზოგიური მედიკოსური მუშაობის კონსილიუმის შემთხვევაში - ტრასტუზუმაბი ან პერტუზუმაბი+ტრასტუზუმაბი;
- გ) კონსილიუმის დასკვნის (რომელიც მოიცავს შესაბამისი პროფილის სხვადასხვა კლინიკის არანაკლებ, 3 ლიცენზირებული ექიმის დასკვნას) საფუძველზე, პაციენტის საჭიროებიდან გამომდინარე, დანიშნულების შესაბამისად, HER-2 დადებითი მეტასტაზური ძუძუს კიბოს დიაგნოზის შემთხვევაში ლაპატინიბი.“;

სოციალურად დაუცველი ოჯახების მონაცემთა ერთიან ბაზაში რეგისტრირებულ პირებს, რომელთა სარეიტინგო ქულა არ აღემატება 150 000-ს, მედიკამენტი უფინასდებათ სრულად, თანაგადახდის გარეშე, ხოლო ყველა სხვა მოსარგებლეს, ქვეპროგრამით დადგენილი მედიკამენტის ღირებულების ლიმიტის გათვალისწინებით – 80%-ის მოცულობით, ასეთ შემთხვევაში, პაციენტის თანაგადახდა შეადგენს ქვეპროგრამით დადგენილი მედიკამენტის ღირებულების ლიმიტის 20%-ს.

2016-2017 წლებში ქვეპროგრამით ისარგებლა 460 ბენეფიციარმა.

6. დაავადებათა სკრინინგი (კოდი: 06 01 02) - ბიუჯეტი შეადგენს: 1 087 200 ლარს.
 ქვეპროგრამა გულისხმობს ქ.თბილისში რეგისტრირებული საქართველოს მოქალაქეებისათვის სკრინინგული გამოკვლევების დაფინანსებას. კიბოს სკრინინგის კუთხით პროგრა მამოიცავს ძუძუს, საშვილოსნოს ყელის, პროსტატისა და კოლორექტული კიბოს სკრინინგს.

2014-2017 წლებში სკრინინგის პროგრამით ისარგებლა 157 823 ბენეფიციარმა.

ორთოპედიულ დაავადებათა სკრინინგის ქვეპროგრამის განხორციელება დაიწყო 2016 წელს, 2017 წელს ქვეპროგრამა გადავიდა „დაავადებათა სკრინინგის ქვეპროგრამაში.

7. ფსიქიური ჯანმრთელობის სათემო მომსახურება (კოდი: 06 01 08) - ბიუჯეტი შეადგენს: 180 000 ლარს.

საერთაშორისო კვლევებითაა დამტკიცებული თემზე დაფუძნებული ფსიქიატრიული სერვისების ეფექტურობა. ქვეპროგრამის განხორციელება დაიწყო 2016 წელს და გულისხმობს ფსიქიური და ქცევითი აშლილობის მქონე პირთათვის მულტიდისციპლინური გუნდის მიერ სათემო მომსახურების მიწოდების დაფინანსებას.

2016-2017 წლებში ქვეპროგრამით ისარგებლა 380 ბენეფიციარმა.

8. გადამდებ და არაგადამდებ დაავადებათა ეპიდემიოლოგიური კონტროლის ქვეპროგრამა (კოდი: 06 01 03)

ქვეპროგრამით გათვალისწინებულ მომსახურებას განეკუთვნება:

- ა) ქალაქ თბილისის მუნიციპალიტეტის ტერიტორიაზე გადამდებ დაავადებათა აქტიური და პასიური ეპიდზედამხედველობის განხორციელება;
- ბ) დაავადებების გავრცელების პრევენციის მიზნით დერატიზაციის, დეზინსექციისა და დეზინფექციის ღონისძიებათა ორგანიზება;
- გ) მოსახლეობის იმუნოპროფილაქტიკური ღონისძიებების ხელშეწყობა და მონიტორინგი;
- დ) ცხოველთა მიერ დაზარალებული მოსახლეობის ეპიდზედამხედველობა, ანტირაბიული სამედიცინო დახმარების მიწოდების ხელშეწყობა;

- ე) სამედიცინო მომსახურების მიმწოდებლისათვის ნოზოკომიური ინფექციების პრევენციის და კონტროლისათვის რეკომენდაციების მიწოდება;
- ვ) გადამდებ დაავადებათა პრევენცია;
- ზ) დაავადებათა ზედამხედველობის ელექტრონული ინტეგრირებული სისტემის გამართული მუშაობის უზრუნველყოფა;
- თ) ეპიდემიოლოგიური მონაცემების რეგულარული შეფასება, მონაცემთა ანალიზი;
- ი) ცხოვრების ჯანსაღი წესის და უნარ-ჩვევების დამკვიდრების, მავნე ჩვევათა კორექციის და ჯანმრთელობის ხელშეწყობის მიზნით საინფორმაციო საშუალებებით და სპეციფიკური ღონისძიებებით საინფორმაციო კამპანიების, ქალაქ თბილისის მუნიციპალიტეტის სააღმზრდელო დაწესებულებებში ორგანიზება და წარმართვა;
- კ) 2017 წელს წესში მოხდა დამატება რომელიც მოიცავს საზოგადოებრივი მნიშვნელობის დაწესებულებებში ესთეტიკური და კოსმეტიკური პროცედურების წარმოებისას ინფექციების პრევენციისა და კონტროლის ზედამხედველობას;

სოციალური დაცვა (კოდი: 06 02) - ბიუჯეტი შეადგენს: 144 720 900 ლარს.

2014-2017 წლების ახალი ქვეპროგრამები:

1. სოციალურად დაუცველი 18 წლამდე შეზღუდული შესაძლებლობის მქონე პირების დახმარება (კოდი: 06 02 22) - ბიუჯეტი შეადგენს: 750 400 ლარს.

ქვეპროგრამის ფარგლებში განხორციელდება „სოციალურად დაუცველი ოჯახების მონაცემთა ერთიან ბაზაში“ 150000 და ნაკლები სარეიტინგო ქულით დარეგისტრირებულ ოჯახებში, 18 წლამდე ასაკის შეზღუდული შესაძლებლობის მქონე პირთა მატერიალური დახმარება. დახმარების ოდენობა შეადგენს 800 ლარს წელიწადში და გაიცემა ორჯერადად 400–400 ლარის ოდენობით (მაისი-დეკემბერი).

2. „ვოლდ ვიჟენ საქართველოს“ სოციალურად დაუცველი ბავშვების დღის ცენტრის თანადაფინანსება. (კოდი:) - ბიუჯეტი შეადგენს: ლარს.
3. შეზღუდული შესაძლებლობების მქონე პირთა საზოგადოებაში ინტეგრაციის ხელშეწყობა.

ქვეპროგრამა ითვალისწინებს შეზღუდული შესაძლებლობების მქონე პირთა საზოგადოებაში ინტეგრაციის მიზნით შშმ პირთა და მათი წარმომადგენელი ორგანიზაციების პროექტების დაფინანსებას.

- სხვადასხვა საჭიროებებისა და აქტივობების ხელშეწყობის უზრუნველყოფა;
- კულტურულ-შემოქმედებითი ღონისძიებების განხორციელების ხელშეწყობა;
- განათლებისა და შემეცნებითი აქტივობების ხელშეწყობა;
- სხვა საჭიროებებით უზრუნველყოფა;
- ქვეპროგრამის ბენეფიციარები არიან შშმ პირები და მათი წარმომადგენელი ორგანიზაციები.

საანგარიშო პერიოდში პროგრამის ფარგლებში განხორციელდა შშმ პირთა სხვადასხვა საჭიროებებისა და აქტივობების ხელშეწყობა და კულტურულ-შემოქმედებითი ღონისძიებების დაფინანსება. საქართველოს ყრუთა კავშირის, შშმ პირთა დღის ცენტრების დაფინანსება, საქართველოს უსინათლოთა კავშირისთვის გამცილებლის მომსახურებისათვის ხელფასის გაცემა.

4. სოციალურად დაუცველ ოჯახებში ყველა ახალშობილზე ერთჯერადი დახმარება

(კოდი: 06 02 25) - ბიუჯეტი შეადგენს: 540 000 ლარს.

ქვეპროგრამის ფარგლებში, სოციალურად დაუცველი ოჯახების მონაცემთა ერთიან ბაზაში 100000 და დაბალი სარეიტინგო ქულით დარეგისტირებული ოჯახების ეკონომიკური მდგომარეობის გაუმჯობესების მიზნით, ასევე აღნიშნული კატეგორიის ოჯახებში შობადების სტიმულირებისთვის მოხდება ყველა ახალშობილზე ერთჯერადი 500 ლარიანი დახმარების ჩარიცხვა. დახმარების გაცემის წესი განსაზღვრული იქნება ქალაქ თბილისის მუნიციპალიტეტის მთავრობის განკარგულებით.

5. გაორმაგდა „სოციალურად დაუცველი მრავალშვილიანი ოჯახებისათვის 18 წლამდე

ასაკის თითოეულ ბავშვზე ყოველთვიური დახმარების ქვეპროგრამა: (კოდი: 06 02 02) - ბიუჯეტი შეადგენს: 7 200 000 ლარს.

„სოციალურად დაუცველი ოჯახების მონაცემთა ერთიან ბაზა“-ში 70 000 და ნაკლები სარეიტინგო ქულით რეგისტირებული მრავალშვილიანი ოჯახებისათვის (3 და მეტი 18 წლამდე ასაკის ბავშვი), 18 წლამდე ასაკის თითოეულ ბავშვზე განხორციელდება ყოველთვიური მატერიალური დახმარების გაწევა 50 ლარის ოდენობით. დახმარების გაცემის წესი განსაზღვრული იქნება ქალაქ თბილისის მუნიციპალიტეტის მთავრობის განკარგულებით. ფინანსური დახმარების ოდენობა 2015 წლიდან გაორმაგდა და შეადგენს 800 ლარს წელიწადში. გაიცემა ორჯერადად 400–400 ლარის ოდენობით (მაისი-დეკემბერი).

2013-ს მაჩვენებელი 25 ლარი.

6. სოციალურად დაუცველი ოჯახებისათვის მე-3, მე-4, მე-5 და მეტი შეიღლის დაბადებისათვის ერთჯერადი მატერიალური დახმარება (კოდი: 06 02 03) ბიუჯეტი შეადგენს: 400 000 ლარს.

„სოციალურად დაუცველი ოჯახების მონაცემთა ერთიან ბაზაში“ 100 000 და დაბალი სარეიტინგო ქულით დარეგისტირებული მრავალშვილიან ოჯახებს გაეწევათ მატერიალური დახმარების ყოველ მე-3, მე-4, მე-5 და შემდეგ ახალშობილზე. განხორციელდება ერთჯერადი მატერიალური დახმარების დარიცხვა მე-3 ახალშობილზე - 800 ლარის ოდენობით, მე-4 ახალშობილზე - 1000 ლარის ოდენობით, მე-5 და ყოველ შემდეგ ახალშობილზე 1500 ლარის ოდენობით. დახმარების გაცემის წესი განსაზღვრული იქნება ქალაქ თბილისის მუნიციპალიტეტის მთავრობის განკარგულებით.

2013 წლის მონაცემებით: მე-3 ახალშობილი 600 ლარი, მე-4 ახალშობილზე 800, მე-5 და მეტ ახალშობილზე 1000 ლარი.

ხორციელდება ასევე შემდეგი ქვეპროგრამები:

7. კომუნალური სუბსიდირება (კოდი: 06 02 01) - ბიუჯეტი შეადგენს: 11 500 000 ლარს.

ქალაქ თბილისში „სოციალურად დაუცველი ოჯახების მონაცემთა ერთიან ბაზაში“ 200 000 და ნაკლები სარეიტინგო ქულით რეგისტრირებული ოჯახები მიიღებენ კომუნალურ სუბსიდიას. სუბსიდიის ოდენობა და დარიცხვის წესი განსაზღვრულია ქალაქ თბილისის მუნიციპალიტეტის მთავრობის განკარგულებით.

სოციალურად დაუცველი ოჯახებისათვის, რომელთა სარეიტინგო ქულა არ აღემატება 70 000-ს სუბსიდიის ჯამური ოდენობა განსაზღვრულია თვეში არაუმეტეს 106 ლარით, ხოლო სოციალურად დაუცველი იმ ოჯახებისათვის, რომელთა სარეიტინგო ქულა მეტია 70 000-ზე და არ აღემატება 200 000-ს სუბსიდიის ჯამური ოდენობა განსაზღვრულია თვეში არაუმეტეს 20 ლარით, სუბსიდიის გაცემის თვის წინა თვეში დარიცხული გადასახადების მიხედვით, შემდეგი გამოთვლის მეთოდითა და პრიორიტეტით:

ა) დასუფთავების მოსაკრებელზე:

ა.ა) აბონენტის ნომერზე, რომელზეც რეგისტრირებულია ერთი პირი 2,5 ლარის ოდენობით;

ა.ბ) აბონენტის ნომერზე, რომელზეც რეგისტრირებულია ორი პირი 5 ლარის ოდენობით;

ა.გ) აბონენტის ნომერზე, რომელზეც რეგისტრირებულია სამი პირი 7,5 ლარის ოდენობით;

ა.დ) აბონენტის ნომერზე, რომელზეც რეგისტრირებულია ოთხი და მეტი პირი 10 ლარის ოდენობით;

ბ) წყლის გადასახადზე 3,15 ლარის ოდენობით;

გ) ელექტროენერგიაზე, აბონენტზე თვეში დარიცხული ელექტროენერგიის გადასახადის მიხედვით.

8. შეზღუდული შესაძლებლობის მქონე მოზარდთა საკურორტო-სამკურნალო რეაბილიტაცია და თბილისში რეგისტრირებული ბავშვებისათვის საზაფხულო კულტურულ-გამაჯანსაღებელი ბანაკების მოწყობა (კოდი: 06 02 04; 06 02 04 01; 06 02 04 02) - ბიუჯეტი შეადგენს: 1 592 200 ლარს.
9. სოციალურად დაუცველი მოსახლეობის სერვისების მიწოდების დაფინანსება (კოდი: 06 02 06; 06 02 06 01; 06 02 06 02; 06 02 06 03; 06 02 06 04) - ბიუჯეტი შეადგენს: 2 458 500 ლარს.
10. სამედიცინო და სხვა სოციალური საჭიროებების დახმარების ღონისძიებები (კოდი: 06 02 09) - ბიუჯეტი შეადგენს: 11 500 000 ლარს.
ქვეპროგრამის ფარგლებში განხორციელდება თბილისში რეგისტრირებული მოქალაქეების სტაციონარული, ამბულატორიული სამედიცინო მომსახურებისა და სხვა სოციალური სერვისების საჭიროების შემთხვევაში ფინანსური მხარდაჭერა.
 1. სოციალურად დაუცველი ოჯახების მონაცემთა ერთიან ბაზაში რეგისტრირებული პირები, რომელთა სარეიტინგო ქულა არ აღემატება 70 000-ს;
 2. სოციალურად დაუცველი ოჯახების მონაცემთა ერთიან ბაზაში რეგისტრირებული პირები, რომელთა სარეიტინგო ქულა შეადგენს 70 000-100 000-ს;
 3. სოციალურად დაუცველი ოჯახების მონაცემთა ერთიან ბაზაში რეგისტრირებული მრავალშვილიანი (3 და მეტი შვილი) ოჯახის წევრები, რომელთა სარეიტინგო ქულაა 100 000 -დან 200 001-ს;
 4. მკვეთრად ან მნიშვნელოვნად შეზღუდული შესაძლებლობის მქონე ან შეზღუდული შესაძლებლობის მქონე არასრულწლოვანი პირები და მათი ოჯახის წევრები;
 5. ვეტერანი, რომელიც რეგისტრირებულია საჯარო სამართლის იურიდიული პირის - ვეტერანების საქმეთა სახელმწიფო სამსახურში;
 6. მარჩენალდაკარგულის სტატუსის მქონე პირი;
 7. დამსახურებული საზოგადო მოღვაწე, ქალაქ თბილისის საპატიო მოქალაქის წოდების ან ქალაქ თბილისზე მზრუნველის სტატუსის მატარებელი პირი;
 8. სხვა პირები, რომლებიც საკუთარი განცხადების საფუძველზე, მატერიალური მდგომარეობის გამო საჭიროებენ დახმარებას

11. სხვა სოციალური (დახმარების) ღონისძიებები რაიონში (კოდი: 06 02 18 ; 06 02 18 07; 06 02 18 08; 06 02 18 09; 06 02 18 10; 06 02 18 11; 06 02 18 12; 06 02 18 13; 06 02 18 14; 06 02 18 15; 06 02 18 16) - ბიუჯეტი შეადგენს: 18 857 800 ლარს.

ქვეპროგრამის მიზანია ქალაქ თბილისის მუნიციპალიტეტის შესაბამის რაიონში რეგისტრირებულ უმწეო მდგომარეობაში მყოფ მოქალაქეთა სამედიცინო და საყოფაცხოვრებო პრობლემების მოსაგვარებლად დახმარების გაწევის, უმწეო და მძიმე საარსებო პირობებში მყოფ მოქალაქეთა საარსებო პირობების გაუმჯობესების, უმწეო მდგომარეობაში მყოფი მოქალაქეების დახმარების, ასევე სტიქიური მოვლენების, უბედური შემთხვევების შედეგების ლიკვიდაციის მიზნით მოქალაქეებისათვის დახმარების გაცემა. დახმარება შეიძლება განხორციელდეს ფულადი დახმარება/შემწეობის ან პირისათვის დახმარების გაწევის მიზნით შეძენილი პროდუქტის/წივთის გადაცემის გზით, მოქალაქეთა შემოსული განცხადებების საფუძველზე, შესაძლებლობების ფარგლებში დაფინანსებით.ასევე, გათვალისწინებულია სოციალურად დაუცველ და/ან უპატრონო მიცვალებულთა დაკრძალვის დაფინანსება და სხვა ღონისძიებები.

12. უფასო სასადილოებით მომსახურება (კოდი: 06 02 14; 06 02 14 06; 06 02 14 07; 06 02 14 08; 06 02 14 09; 06 02 14 10; 06 02 14 11; 06 02 14 12; 06 02 14 13; 06 02 14 14; 06 02 14 15) - ბიუჯეტი შეადგენს: 16 203 000 ლარს.

ქვეპროგრამა ითვალისწინებს რაიონში რეგისტრირებულ უმწეო მდგომარეობაში მყოფ ბენეფიციართა რაოდენობის დაზუსტებას და უფასო კვებით უზრუნველყოფას. ქვეპროგრამის ფარგლებში მომსახურების მიმღები ბენეფიციარების არიან, სოციალურად დაუცველი ოჯახების მონაცემთა ერთიან ბაზაში მყოფი სოციალურად დაუცველი პირები, რომელთა სარეიტინგო ქულა არ აღემატება 200000-ს.

13. თბილისის მუნიციპალური თავშესაფრის მოვლა-პატრონობა (კოდი: 06 02 21) - ბიუჯეტი შეადგენს: 1 466 500 ლარს.

თვის საჭირო თანხის მოპოვება. ქვეპროგრამის მიზანია, აღნიშნული მოქალაქეების თავშესაფრით უზრუნველყოფა, მათი საბაზისო საჭიროებების დაკმაყოფილება, პირველადი სამედიცინო მომსახურებითა და პირადი ჰიგიენისათვის აუცილებელი

ნივთებით უზრუნველყოფა.გარდა ამისა გათვალისწინებულია პალიატიური ზრუნვის საჭიროების მქონე პირთათვის შესაბამისი მომსახურების გაწევა და სხვა ღონისძიებები.

14. შინმოვლის თანადაფინანსება (კოდი: 06 02 26) - ბიუჯეტი შეადგენს: 414 000 ლარს.
 უძლური ხანდაზმულების, შეზღუდული შესაძლებლობის მქონე პირების, ტერმინალურ მდგომარეობასა და ხანგრძლივად ან დროებით უძლურებაში მყოფი პირების ჯანმრთელობაზე ზრუნვა (პრევენცია, დიაგნოსტიკა, მკურნალობა, მონიტორინგი), მათი დამოუკიდებლობის და დაკარგული უნარ-ჩვევების შენარჩუნება/აღდგენა, რესურსებისა და უნარების გამოვლენა და ფსიქო-სოციალური დახმარება, მათი ცხოვრების ხარისხის გაუმჯობესებისათვის უმნიშვნელოვანეს ასპექტებს წარმოადგენენ.
 ქვეპროგრამა გულისხმობს საჭიროების მქონე პირთა გამოვლენას ბართელის ინდექსის შესაბამისად, ასევე ბენეფიციართა პერსონალურ მოვლას, საექიმო და საექიმო მომსახურებას, დახმარებას ყოველდღიურ საქმიანობაში
 თბილისში, „სოციალურად დაუცველი ოჯახების მონაცემთა ერთიან ბაზაში“ რეგისტრირებული 200 000 და ნაკლები სარეიტინგო ქულის მქონე ოჯახის წევრი, რომელსაც მინიჭებული აქვს ბართელის უძლურების ინდექსი არაუმეტეს 95-სა.

გახლავართ ქ. თბილისის მუნიციპალიტეტის მერიის „სამედიცინო და სხვა სოციალური საჭიროებების დახმარების ღონისძიებების ხელშემწყობი“ კომისიის წევრი.

პროგრამის ფარგლებში, ჯანდაცვის საჭიროებების დაფინანსებაზე შემოსული განცხადებების რაოდენობა და მათ შესახებ კომისიის მიერ მიღებული გადაწყვეტილებები, 2017 წლის იანვრიდან 31 სექტემბრის ჩათვლით პერიოდის სტატისტიკა:

განცხადებების რაოდენობა		
მოთხოვნის სახე	განხილული	მათ შორის სრულად ან ნაწილობრივ დაკმაყოფილებული
AT-ამბულატორიული მკურნალობა	3,603	3,295
BT-ქცევითი თერაპია	23	23
CH-ქიმიოთერაპია	185	181
GE-გამოკვლევები (როგორც ლაბორატორიული, ასევე რადიოლოგიური)	479	447

IE-იზოტოპური გამოკვლევა	96	94
LE-ლაბორატორიული გამოკვლევები	261	245
MC-მედიკამენტი	21,691	18,400
OD-ოპერაციული დიაგნოსტიკა	52	46
OT-ოპერაციული მკურნალობა	8,948	7,557
RE-რადიოლოგიური გამოკვლევები	1,486	1,362
RH-რეაბილიტაცია	1,555	1,530
RT-სხივური თერაპია	319	319
ST-სტაციონარული მკურნალობა	765	732
TM-სამკურნალო მასაჟი	436	429
TT-მეტყველების თერაპია	348	346
OX-სხვა შემთხვევები	364	238
სულ	40,611	35,244

ასევე გახლავართ ქ. თბილისის მუნიციპალიტეტის მერიის უსახლვაროდ რეგისტრაციისა და თავშესაფარი-ფართით უზრუნველყოფის კომისიის წევრი. 2015 წლიდან, გადაიდგა შემდეგი ნაბიჯები:

- 2015 წლის 27 ნოემბრის 28-116 დადგენილებით დამტკიცდა ქალაქ თბილისის მუნიციპალიტეტის ტერიტორიაზე უსახლვაროდ რეგისტრაციის და თავშესაფარი ფართით უზრუნველყოფის წესი;
- ქალაქ თბილისის მუნიციპალიტეტის მთავრობის 2015 წლის 9 დეკემბრის №49.03.1384 განკარგულებით შეიქმნა ქალაქ თბილისის მუნიციპალიტეტის მერიის უსახლვაროდ რეგისტრაციისა და თავშესაფარი ფართით უზრუნველყოფის კომისია;
- შეიქმნა ააიპ „თბილისის მუნიციპალური თავშესაფარი“;

აშენდა 75 ბინანი სოციალური საცხოვრისი ორხევის ტერიტორიაზე.

დადებითად გადაწყდა განაცხადების 35%, ხოლო უარყოფითად - 61%.

თავშესაფარი ფართით უზრუნველყოფის დროს, კომისია ხელმძღვანელობს ქვემოთ მოცემული კრიტერიუმებით. ერთი კრიტერიუმი ითვლება ერთ ქულად, ხოლო თუ კონკრეტულ განაცხადზე გვაქვს ორი ან მეტი კრიტერიუმის ერთობლიობა, ქულათა რაოდენობა იზრდება პროპორციულად:

- ა) მკვეთრად ან მნიშვნელოვნად შეზღუდული შესაძლებლობის მქონე ან შეზღუდული შესაძლებლობის მქონე არასრულწლოვან პირებს და მათი ოჯახის წევრებს;
- ბ) ვეტერანს, რომელიც რეგისტრირებულია საჯარო სამართლის იურიდიული პირის – ვეტერანების საქმეთა სახელმწიფო სამსახურში;

- გ) მარჩენალდაკარგულის სტატუსის მქონე პირს;
- დ) მარტოხელა მშობლის სტატუსის მქონე პირს და მის არასრულწლოვან შვილ(ებ)ს;
- ე) მრავალშვილიან ოჯახს;
- ვ) „საქართველოს სახელმწიფო ჯილდოების დაწესების შესახებ“ საქართველოს კანონით საფუძველზე დაჯილდოებულ პირებს, ქალაქ თბილისის საპატიო მოქალაქის წოდების ან ქალაქ თბილისზე მზრუნველის და ქალაქ თბილისის მუნიციპალიტეტის საკრებულოს 2014 წლის 5 დეკემბრის №16-39 დადგენილებით დამტკიცებულ „საპატიო წოდებებისა და ჯილდოების მინიჭების შესახებ“ დებულების საფუძველზე მინიჭებული სხვა სტატუსის მქონე პირს.
- ამ ეტაპზე თავშესაფარით უზრუნველყოფის თაობაზე მთავრობის განკარგულება გამოცემულია 121 პირის - 34 ოჯახის შემთხვევაში;
- უკვე შესახლდა 26 პირი - 8 ოჯახი;
- საცხოვრისში შესვლაზე უარი განაცხადა 30 პირმა - 7 ოჯახი. უარის თქმის მიზეზი იყო სხვადასხვაგვარი - ფართის სიმცირე, კომუნალური გადასახადების გადახდის პასუხისმგებლობისგან თავის არიდება, ფართის დაზიანების შემთხვევაში, მისი საკუთარ სახსრებით შეკეთების სურვილის არქონა და ა.შ.
- გადაწყვეტილება ჯერ არ მიუღია 1 პირს.
- აღსანიშნავია, რომ საცხოვრისი, სადაც მიმდინარე წლის 10 ივლისიდან დაიწყო ზ/ა ოჯახების შესახლება, მდებარეობს ორხევში და არის 75 ბინანი. მოცემული ბინებიდან მხოლოდ ექვსი ბინაა 70 კვ.მ ფართის, ხოლო დანარჩენი ბინების კვადრატულობა მერყეობს 38-41 კვ.მ-ს ფარგლებში. თითოეულ ბინას აქვს იზოლირებული სანიტარული კვანძები. ვარკეთილის სოციალურ საცხოვრისში გამოწავისუფლდა 1 ბინა, სადაც ასევე მოხდება ახალი ოჯახის შესახლება.
- რაც შეეხება ლილოს მიუსაფართა თავშესაფარს, ის გათვლილია 240 ბენეფიციარზე.

2016 წლის წოებრიდან დღემდე ჩატარდა 25 საკრებულოს სხდომა, 25-ივე საკრებულოს სხდომის მუშაობაში ვიყავი ჩართული.

ასევე გახლავართ სახელდებისა და სიმბოლიკის კომისიის წევრი. კომისიამ 2017 წლის განმავლობაში ჩაატარა 6 კომისიის სხდომა. ექვსივე კომისიის სხდომაში მივიღე მოწაწილეობა.

ჯანმრთელობის დაცვისა და სოციალურ საკითხთა კომისიის მუშაობის სპეციფიკიდან გამომდინარე 2017 წელს მივიღე 178 მოქალაქე.